




ხაშყრის ძიებებ



№16 (47)

25 აპრილი, ორშაბათი,

2016 წელი

ვნების კვირა დაიწყო

დიდი ორშაბათი


დიდ ორშაბათს ეკლესია უნაყოფო ლეღვის გახმობას იხსენებს. ეს ლეღვი იმ იუდეველთა სახეა, რომელთა გულშიც იესო ქრისტემ ჭეშმარიტი ნაყოფი ვერ პოვა - იქ მხოლოდ კანონების მშრალი აღსრულება დახვდა. ამიტომაც ამხილა ისინი და დაგმო. მაგრამ უნაყოფო ლეღვი ასევე ყველა იმ ქრისტიანის სულის სიმბოლოცაა, რომელიც სინანულის ნაყოფს არ იხსამს. ეკლესიაც დიდ ორშაბათს სწორედ სინანულისკენ მოგვიწოდებს.

დიდი სამშაბათი

დიდი სამშაბათის მსახურებაზე ვისხენებთ ივანეს ათი ქალწულისა და ტაღანტების შესახებ და გრძელდება მათეს სახარების ორშაბათის დაწყებული საკითხავი იესო ქრისტეს მეორედ მოსვლის შესახებ. ამით წმინდა ეკლესია კიდევ ერთხელ და საგანგებოდ მოუწოდებს მორწმუნეებს სულიერი სიფიხილისკენ, ჩვენთვის ბოძებული ნიჭისა და ძალების მართებული გამოყენებებიკენ, განსაკუთრებით კი - მოწიქვებისკენ, რასაც უფალი პირადად მის წინაშე ჩადენილ ღვაწლად გვითვლის; როცა გვეუბნება: „რაოდენი უყავთ ერთსა ამას მცირეთაგანსა ძმათა ჩემთასა, იგი მე მიყავთ“ (მთ. 25,40).

დიდი ოთხშაბათი

ეს იუდას მიერ იესო ქრისტეს გაცემის დღეა. ოთხშაბათის დამე მაცხოვარმა ბეთანიაში გაატარა. აქ, სიმონ კეთროვის სახლში, იმ დროს, როცა მღვდელმთავრებს, მწიგნობრებსა და უხუცესებს იესო ქრისტეს მოტყუებით შეპყრობა და მოკვდინება ჰქონდათ გადაწყვეტილი. უცხო დედაკაცმა ძვირფასი ნელსაცხებელი ინახით მჯდომ მაცხოვარს უხვად დაასხა თავზე, რითაც როგორც თავად მაცხოვარმა ბრძანა, იგი დასაფლველად მოამზადა.



აქვე, დედაკაცის უანგარო საქციელის საპირისპიროდ, იესო ქრისტეს თორმეტაგან ერთ-ერთი მოწაფის, იუდა ისკარიოტელის უმადურ სულში ჩაისახა ბოროტი აზრი, თავისი მასწავლებელი და უფალი იუდეველთა უკანონო საბჭოსთვის მიეცა. ამიტომ დიდი ოთხშაბათის საეკლესიო მსახურება განადიდებს იმ დედაკაცს, რომელმაც მაცხოვარს ნელსაცხებელი სცხო, იუდას ვერცხლისმოყვარებას და გამცემლობას კი კიცხავს და გმობს.

დიდი ხუთშაბათი

დიდი ხუთშაბათის მსახურებაზე იესო ქრისტეს მიერ მოწაფეთათვის ფეხთა დაბანას, საიდუმლო სერობას, გეთსიმანიის ბაღში იესო ქრისტეს ლოცვას და იუდას მიერ მის გაცემას ვისხენებთ. აღსრულება ბასილი დიდის წირვა, რომელიც სერობას იმის სამახსოვროდ უერთდება, რომ უფალმა ზიარების საიდუმლო სწორედ ამ დღეს, სერობის ჟამს, დაადგინა. სერობაზე „რომელთა ქერუბიმთას“ ნაცვლად იგალობება: „სერობასა საიდუმლოსა შენისასა დღეს, ძეო ღვთისაო, ზიარებად შემოწყნარე... სერობაზე მართლმადიდებელი ეკლესიების მღვდელმთავრები ფერხობანის რიტუალს ატარებენ: როგორც მაცხოვარმა დაბანა ფეხები სერობის დაწყებამდე თავის თორმეტ მოწაფეს, ასევე ბანს ფეხებს მღვდელმთავარი თორმეტ მღვდელმსახურს.

დიდი ხუთშაბათი იმითაცაა გამორჩეული, რომ ეს ერთადერთი დღეა მთელი წლის განმავლობაში, როცა, საჭიროების შემთხვევაში, მირონის კურთხევა შეიძლება (ეს მირონი მღვდელმსახურებაში მირონცხების საიდუმლოს შესრულებისას და ტაძრების კურთხევისას გამოიყენება).

დიდი ხუთშაბათის საღამოს სრულდება დიდი პარასკევის ცისკარი, რომლის დროსაც ე.წ. „თორმეტი სახარება“ ანუ ოთხი სახარებიდან ამოკრებილი 12 ნაწევრი იკითხება. მათში იესო ქრისტეს ის ვნებებია აღწერილი, რომლებიც ჯვარცმამდე შეემთხვა, დაწყებული მოწაფეებთან მისი უკანასკნელი საუბრიდან საიდუმლო სერობაზე, დამთავრებული მაცხოვრის სხეულის იოსებ არიმათიელის ბაღში დაფლვით და მისი საფლავისთვის მცველების მიწინით. „თორმეტი სახარების“ კითხვისას მორწმუნენი ანთებული სანთლებით ხელში დგანან, რაც, ერთი მხრივ, ჩვენი მხსნელის მიმართ მხურვალე სიყვარულის გამოხატულებაა, მეორე მხრივ კი იმის ხსოვნა, რომ მაცხოვარს ღვთიური დიდება ვნების დროსაც არ დაუკარგავს. ყოველი სახარების წაკითხვის შემდეგ სამრეკლოს ზარი იმდენჯერ ჩამოჰკრავს, რიგით მერამდენე სახარებაც იკითხება.

მერვე სახარების შემდეგ იკითხება კანონი და იგალობება საგალობელი, რომელშიც ასახულია ის ეპიზოდი, როდესაც იესო ქრისტემ მის გვერდით ჯვარცმულ ავაზაკს შეუწოდო, რადგან ამ უკანასკნელმა სიკვდილის წინ შეინანა.

ეს საგალობელი მთელი წლის განმავლობაში მხოლოდ ერთხელ სრულდება. თორმეტი სახარების მსახურების დასრულების შემდეგ მორწმუნენი ტაძრის შუაგულში დაბრძანებულ ჯვარცმასთან მიდიან, დიდი მეტანიის გაკეთებით ეამბორებიან და ტაძარს ტოვებენ. არსებობს ძველი ტრადიცია, რომლის თანახმადაც სანთელი, რომელიც თორმეტი სახარების კითხვისას ხელში გვეჭირა, ასევე ანთებული უნდა წავიდეთ სახლში და შესასვლელი კარის თავზე სანთლის აღისვან წარმოქმნილი კვამლით ჯვარი გამოვსახოთ. ამისთვის, რა თქმა უნდა, რაიმე ღამპარი უნდა მოვამზადოთ, რათა სანთლის შინ ჩაუქრობლად მიტანა შევძლოთ.

დიდი პარასკევი

დიდი პარასკევის ღვთისმსახურება იესო ქრისტეს ჯვარცმას, ჯვარიდან გარდამოსხნასა და დასაფლავებას იხსენებს. წირვა არ აღსრულება, რადგან ამ დღეს ცოდვებისგან ჩვენს გამოსახსნელად უფალმა საკუთარი თავი შესწირა მსხვერპლად. სრულდება სამეფუფეო ჟამნი, რომლის დროსაც კვლავ იკითხება სახარება მისი ვნების შესახებ.

დიდი პარასკევის სერობა მაცხოვრის ჯვრიდან გარდამოსხნასა და დასაფლავებას ეძღვნება და, ჩვეულებრივ, შუადღიასას, ორ საათზე აღველინება, რადგან სწორედ ამ დროს მიიცივალა ჯვარზე იესო ქრისტე. მსახურების დაწყებამდე ტაძრის შუაგულში მზადდება ამადლებული ყვავილებით მორთული საღამო - „საფლავი“, საკურთხეველში კი, წმინდა ტრაპეზზე, საგანგებოდ მოხატულ დიდ ქსოვილზე, რომელზეც საფლავში მყოფი მაცხოვარია ამოქარგული, დააბრძანებენ გარდამოსხნას.

საგალობლები, რომლებიც ამ დროს იგალობება, იესო ქრისტეს ვნებასა და ჯვარცმას ასახავს. სემიონ ღვთისმამიქმელის ლოცვის გალობისას შავ, სამგლოვიარო სამოსში გამოწყობილი მღვდელმსახური აკმევს გარდამოსხნას, რომელიც ჯერ კიდევ საკურთხეველშია დასვენებული, „მამო ჩვენოს“ გალობის შემდეგ კი ტროპარის „მშვენებრმა იოსებ ძელისაგან გარდამოსხნა უხრწნელი ვეპო შენი...“ გალობით მღვდელმსახურები წმინდა ტრაპეზიდან, როგორც გოლგოთიდან, აიღებენ გარდამოსხნას, თავს ზემოთ ასწვენენ, საკურთხევიდან გამოასვენებენ, ტაძარში შემოატარებენ და „საფლავში“ დაასვენებენ. ამის შემდეგ სამღვდლოება და მლოცველები დიდ მეტანიას ასრულებენ გარდამოსხნის წინაშე და ეამბორებიან მას. გარდამოსხნა ტაძრის შუაგულში არასრული სამი დღის განმავლობაში რჩება - მაცხოვარი ხომ აღდგომამდე სამი დღე იყო საფლავში. სერობის შემდეგ, საღამოს, შესაძლოა მწუხრიც, ე.წ. „ღვთისმშობლის გოდებაც“ აღველინოს.

დიდი პარასკევი მთელი წლის განმავლობაში ყველაზე მძიმე მარს-



ვის დღეა, როცა მოძღვრის კურთხევით, მორწმუნეთაგან ზოგი მთელი დღის განმავლობაში არაფერს ჭამს, ზოგი კი პურსა და წყალზეა. ძველი ტრადიციის თანახმად, ამავე დღეს, მზის ჩასვლამდე, წითლად იღებება სააღდგომო კვერცხები. კვერცხი ქრისტიანული ტრადიციით ზოგადად სიცოცხლის სიმბოლოა, წითლად შეღებვა კი იმისა რომ ჯვარცმული მაცხოვრის სისხლით გამოსყიდულ კაცობრიობას მარადიული სიცოცხლე მიენიჭა. აქვე უნდა აღინიშნოს, რომ სააღდგომო კვერცხი აუცილებლად წითელი უნდა იყოს, ნებისმიერ სხვა ფრად შეღებილ კვერცხს ქრისტიანულ ტრადიციასთან არაფერი აქვს საერთო.

დიდი შაბათი

დიდი შაბათის ღვთისმსახურება იესო ქრისტეს ხორცილ საფლავში, სულით კი ჯოჯოხეთში ჩასვლას და, ბოლოს, მაცხოვრის მკვდრეთით აღდგომას ეძღვნება. ცისკარზე მღვდელმსახურები „წმინდაო ღმერთოს“ გალობით გარდამოსხნას ტაძრიდან გამოაბრძანებენ და, ნიშნად იესო ქრისტეს ჯოჯოხეთში ჩასვლისა და სიკვდილზე გამარჯვებისა, ხალხის თანხლებით ტაძრის ირგვლივ შემოატარებენ. შემდეგ ისევ ტაძარში შეაბრძანებენ და იმის აღსვლის კართან მიიტანენ. ეს იმის ნიშანია, რომ მაცხოვარი განუყოფლად იმყოფება მამა ღმერთთან და რომ თავისი ვნებითა და სიკვდილით კვლავ გაგვიღო სამოთხის კარი. ამ დროს იგალობება „მშვენებრმა იოსებ...“

იმ დროს, როცა გარდამოსხნას ისევ ტაძრის შუაგულში დაასვენებენ.

(დასასრული II კვერდზე)

ლაშა მესხი: შევეცდებით, ჩვენი აზრები იგონებოდა ქალაქში!

ერთხმად ვთანხმდებით იმაზე, რომ განათლებული, სახელმწიფოებრივად მოაზროვნე ადამიანი, ქვეყნისთვის მეტი სარგებლის მომტანია. აზროვნების ფორმირება, თვითშეგნების ჩამოყალიბება ადრეული ასაკიდან იწყება. ხშირად იმასაც განვიცდებით, რომ ყველა საშუალება, შესაძლებლობა დიდ ქალაქებშია თავმოყრილი და პატარა ქალაქებისთვის ერთგვარ ფუფუნებადია ქცეული. ამ მიზეზის



გამო, საკრებულოს წევრმა ლაშა მესხმა, "ხაშურის დემოკრატიის სკოლა" ჩამოაყალიბა, მოაზროვნე ბავშვები შეკრიბა და თეორიულ და პრაქტიკულ საქმიანობას შეუდგა. ადგილობრივი ბიუჯეტის შედგენა, კონტროლი, მოქალაქეთა როლი ქვეყნის მართვაში, სახელმწიფოს მოწყობის პრინციპებია ძირითადი თემები, რომელზეც საუბარი, ანალიზი



უწევთ სკოლის მსმენელებს. ყოველი კურსის დასრულების შემდეგ, პარლამენტს სტუმრობენ, სადაც ხვდებიან პარლამენტის წევრებს, აქვთ გასვლითი ექსკურსიები, რაც საკუთარი ქვეყნის უკეთესად გაეცნობას გულისხმობს. გარდა ამისა, უკვე კურსდამთავრებულები, სხვა მოსწავლეებს აძლევენ იმ ცოდნასა და გამოცდილებას, რაც მათ 8 კვირიანი მუშაობის პროცესში მიიღეს.

ლაშა მესხი: როდესაც ხედავ, რომ მოსწავლეთა უმრავლესობისთვის, ქალაქში არსებული ვითარებიდან გამომდინარე, ძირითადი მარშრუტია სკოლა-სახლი, საჭიროდ ჩავთვალეთ მათთვის დროის ხარჯვის სხვა ალტერნატიული საშუალება შეგვეთავაზებინა, რომელიც მათი დროის ეფექტურ გამოყენებას და, ამავდროულად, ინფორმაციის მიღებას უზრუნველყოფდა. პირობითად დავარქვით

"ხაშურის დემოკრატიის სკოლა". კურსი შედგება 8 ლექციისგან. ყოველი ლექციის თემა წინასწარ განისაზღვრება. ძირითადი თემები მოიცავს ადგილობრივ თვითმმართველობას, ბიუჯეტის შედგენას, მოქალაქეებს რა საშუალებები აქვთ იმისათვის, რომ სახელმწიფო ხელისუფლების ორგანოები ადგილზეც აკონტროლონ და შედამხედველობა გაუწიონ, ასევე, ვსაუბრობთ პოლიტიკურ სიტუაციაზე, იდეოლოგიაზე, ქვეყნის მოწყობის სისტემებზე, ევროპულ არჩევანზე, მის სიკეთესა თუ ნაკლოვანებებზე, ვსაუბრობთ როგორ შეგვიძლია აქტივობების დაგეგმვა და საიდან, ვისი დახმარებით შეგვიძლია დაფინანსების მოპოვება. თავიდანვე გვერდზე გვიდგას ხაშურის მუნიციპალიტეტის ბიბლიოთეკა, სადაც ხდება შეხვედრები კვირაში ერთხელ. ძირითადად ხაშურის სხვადასხვა სკოლის 10-11 კლასელები-სხანაა კურსი დაკომპლექტებული.

- აზრებს მოხსავლეთა შერჩევის კრიტერიუმი ან რაიმე ფორმა?

- პირველი ნაკადის შერჩევა წმინდა ქართული ფორმით მოხდა, ნაცნობობით. ვიცნობდი სკოლის დირექტორებს და ამ სკოლებიდან მოხდა დაკომპლექტება. ძირითადად, ერთ ნაკადში 16 მსმენელია, როდესაც მეტი მსურველია, ტესტირების, ან გასაუბრების საფუძველზე ვარჩევ ბავშვებს და ჩამოგვყავს 16-მდე.

- კურსის დასრულების შემდეგ, ბავშვები ჩუქნები მუშაობას?

- კურსის დასრულების შემდეგ ბავშვები თავისი სურვილის მიხედვით ქმნიან ჯგუფებს, თითოეული ჯგუფი ირჩევს ხაშურის მუნიციპალიტეტში შემავალ სკოლას, აკეთებენ ნახევარსაათიან პრეზენტაციას და თავიანთ თანატოლებს უტარებენ ლექციას. ორგანიზებას თვითონ უკეთებენ, ჩვენი ერთადერთი მოვალეობა, ამ შემთხვევაში, მათი უზრუნველყოფაა პროექტორით, კომპიუტერით და ტრანსპორტით. რადგან დაფინანსება არ გვაქვს, ჩვენი ფინანსებით ვახორციელებთ ამ ყველაფერს. გარდა ამისა, ამ ლექციათა კურსის დასრულების შემდეგ, ჩვენ მივიღებთ სტუმრად პარლამენტში. შემდეგ ვხვდებით პარლამენტის სხვადასხვა წევრებს. პირველი ვიზიტის დროს შევხვდით გიგლა აბულაშვილს, სერგო რატიანს, მესამე ნაკადი შეხვდა ევროპასთან ინტეგრაციის კომიტეტის თავმჯდომარეს ლევან ბერძენიშვილს. ეს არის პირობითად ერთი კურსის აქტივობა.

- თეორიული კურსი რას მოიცავს?

- გარდა ზემოთ უკვე ჩამოთვლილი თემებისა, რომელთა შესებაც ბავშვებს უწევთ, თეორიული მუშაობის პროცესში პირობითად იყოფიან გუნდებად. თითოეული ჯგუფი პირობითად არის არასამთავრობო, რომელიც პარალელურად ასევე მუშაობს პროექტზე, რომლის დაფინანსებისკენაც ის ილტვის. თემები და აქტივობები მათი არჩევანით კეთდება.

- თეორიულთან ერთად მსმენელები პრაქტიკული საქმიანობითაც აწიან დაკავებული, რაში გამოიხატება ეს აქტივობები?

- გამგებობამ გაგარინის ქუნადე გამოგვიყოფა ფართი, სადაც ვაპირებთ ჩვენი სკოლის სახელობის სკვერის გაკეთებას, რაც მდგომარეობს არა მხოლოდ დარგვა-დასუფთავებაში, არამედ მის მოვლა-სა და სიცოცხლისუნარიანობაში. ჩვენი საქმიანობა თეორიულ კურსთან ერთად, პრაქტიკულ ნაწილსაც მოიცავს, რაც გამოიხატება იმაში, კონკრეტულად ჩვენ როგორ შეგვიძლია, დავეხმაროთ მუნიციპალიტეტს და რითი შეგვიძლია, ვიყოთ სხვისთვის



მისაბაძები. ერთი ნაკადი იწყება ოქტომბრიდან და სრულდება დეკემბრის ბოლოს, მეორე ნაკადი მარტიდან მაისის ბოლოსკენ.

დღევანდელი მონაცემებით, ოთხივე ნაკადის ფარგლებში 50 ბავშვამდგა. ჩვენი აქტივობა გამოიხატება სხვადასხვა კულტურული აქტივობის დაგეგმვაში, ექსკურსიების, გამწვანების და სხვა ღონისძიებების. პარლამენტში ყოფნის დროს წარმოიშვა იდეა ზებრა გადასასვლელების მოხატვასთან დაკავშირებით. შევეცდებით, ჩვენი არსებობა იგრძნობოდეს ქალაქში.

- მხოლოდ საკუთარი ძალებით ახორციელებთ თქვენს საქმიანობას, თუ გაქვთ რაიმე ტიპის ხელსაწყო?

- მესამე ნაკადიდან ჩვენ სკოლას ესმარება NIMDI, ნიდერლანდების ინსტიტუტი მრავალპარტიული დემოკრატიისთვის, რომლის დახმარებაც გამოიხატება მსმენელისთვის საკანცელარიო ნივთების დარიგებით სპეციალური ლოგოთი, რომელსაც აწერია "ხაშურის დემოკრატიის სკოლა". ასევე ინტენსიურად გვეხმარება იმაში, რომ მოვიწვიოთ ლექტორები. გვყავდა ორი ლექტორი, რომლებმაც ისაუბრეს ხელისუფლების დანაწილების პრინციპზე და აქტივობების დაგეგმვაზე. მეოთხე ნაკადისთვის ვგეგმავთ კვალიფიციური სტუმრის მოწვევას, რომლის კოორდინებას და ტრანსპორტირებას NIMDI მოახდენს. NIMDI-ს დახმარება გამოიხატება იმაშიც, რომ კურსდამთავრებულებს გადაეცემათ სერთიფიკატები.

- რა სიკეთეს მოუტანს ეს მსმენელებს?

- პირველი ისაა, რომ ყველა საშუალება, ძირითადად, თბილისშია თავმოყრილი, ბავშვებს უნდა ჰქონდეთ ინფორმაციის მიღების ალტერნატიული საშუალება და წყარო, ჰქონდეთ დრო და საშუალება გაიცნონ თავიანთი თანატოლები უკეთესად, გამოავლინონ საკუთარი შესაძლებლობები-მათ უნდა გამოიმუშაონ ის მინიმალური უნარ-ჩვევები, რომელიც ნებისმიერ უნივერსიტეტისაკენ მიმავალ ახალგაზრდას უნდა ჰქონდეს.

თ. ჯავახიშვილი

დის" წარმომადგენლები, იმავე დღეს, ქვიშხეთლებსას შეხვდნენ და ადგილობრივების პრობლემებს გაეცნენ.

თ. სხვასცი



"საქართველოს განვითარების ფონდი" მოსახლეობასთან დიალოგს მართავს

20 აპრილს ხაშურში „საქართველოს განვითარების ფონდის“ შიდა პოლიტიკის თემატური ჯგუფის ხელმძღვანელმა ხათუნა ლაგაზიძემ ინფორმაციული შეხვედრა გამართა მუნიციპალიტეტის მოსახლეობასთან. საუბარი ძირითადად შეეხო ქალების უფლებების დაცვასა და ფონდის ძირითად მიზნებსა და ამოცანებს. „საქართველოს განვითარების ფონდი“ არის საზოგადოებრივ-პოლიტიკური ორგანიზაცია, რომლის მიზანია მოქალაქეები საზოგადოებრივი, ეკონომიკური, პოლიტიკური, სოციალური და სხვა თემების განხილვაში ჩართოს და დანერგოს დიალოგის, თანამშრომლობის კულტურა და აქტიური პოლიტიკური გარემოში, - განაცხადა ქალბატონმა ხათუნამ.

ორგანიზაცია, უკვე მაისიდან, დაიწყებს აქტი-

ურად პრეზენტაციების გამართვას და მოსახლეობას საკუთარ სამოქმედო გეგმას გააცნობს. მათი მიზანია, ფართო საზოგადოებას წარუდგინოს წინადადებები შემდეგი მიმართულებით: სახელმწიფო მმართველობა და დემოკრატია, კონსტიტუციური საკითხები, ადამიანის უფლებები, ჯანდაცვა, სოციალური და უსაფრთხოების საკითხები, გარემოს დაცვა, საგარეო პოლიტიკა და ა.შ.

ხათუნა ლაგაზიძემ, „საქართველოს განვითარების ფონდის“ ხაშურის ორგანიზაციის თავმჯდომარემ რუსუდან ენჯიბაძემ და ორგანიზაციის სხვა წევრებმა შეხვედრის მონაწილე ქაბატონებს მოუწოდეს მაქსიმალური აქტიურობისაკენ და საზოგადოებრივი ცხოვრებაში ჩართვისაკენ. მათი თქმით ქალებს უდიდესი შესაძლებლობები აქვთ და მათი ჩართულობით ბევრს მივაღწევთ.

„საქართველოს განვითარების ფონ-

ორი პროექტი, რომელ- ის ჩვენს ქალაქს გააღმავლებს


ქალაქის ინფრასტრუქტურისა და მისი იერ-სახის ესთეტიური დონის ამაღლება ადგილობრივი ხელისუფლების ერთ-ერთი პრიორიტეტული მიმართულებაა. ამ მხრივ, მრავალი რამ გა-



კეთდა გასულ წელს და მიმდინარეობს ბევრი დაგეგმილი. ამის დასტური უახლოეს პერიოდში განხორციელდება ორი პროექტიცაა, რომელთა

დასრულების შემდეგ ქალაქი უფრო გამშვენიერდება.

როგორც ჩვენთან საუბარში გამგეობის ეკონომიკური განვითარების სამსახურის უფროსმა სერგო ლალიაშვილმა აღნიშნა, - პირველი პროექტის მიხედვით ყაზბეგის ქუჩის მონაკვეთის კეთილმოწყობაა გათვალისწინებული. უფრო კონკრეტულად, პირველ საჯარო სკოლისა და სასპორტო სკოლის საფეხბურთო მოედანს შორის არსებული სივრცეზეა საუბარი. პროექტის მიხედვით აქ დაიგება ქვაფენილი, დაიდგმება მოსასვენებელი სკამები, დამონტაჟდება ახალი განათება, გაკეთდება გამწვანების ზოლი და დაირგვება ხეები. მონაკვეთი მთლიანად ფეხითმოსიარულებისათვის იქნება გათვალისწინებული და აქ ავტომობილების მოძრაობა აიკრძალება. პროექტის დასრულების შემდეგ, დამსვენებლებს საშუალება ექნება უფასო ინტერნეტითაც (Wi-Fi) ისარგებლონ. მეორე პროექტი ქალაქის ცენტრალური მოედნის სრულ რეკონსტრუქციას ითვალისწინებს. პროექტის დამუშავებისას სრულიად იქნება გათვალისწინებული მოძრაობის სამეცნიერო კვლევითი ცენტრის რეკონსტრუქციები. მოეწყობა ავტოპარკინგი, ე.წ. უსაფრთხო „კუნძულები“ და, რაც მთავარია, მოედანი მისი



რეკონსტრუქციის შემდეგ, არქიტექტურულად სრულ პარკში მოვა მიმდინარე დასასვენებელ სკვერთან.

პროექტებს შპს „Modern Architectural Group“ ამუშავებს და მისი დასრულების შემდეგ სამშენებლო სამუშაოები დაიწყება, რომელიც მთლიანად ადგილობრივი ბიუჯეტიდან დაფინანსდება.

„კლდის უზარმაზარი ნაჩეხი“ -ვა- უა-ფშაველა

ცოტა ხნის წინ, გამოიცა არაჩვეულებრივი წიგნი „დევების სტუმარი“ ვა-უა-ფშაველას შესახებ. 19 აპრილს ჩვენს სკოლას ეწვია ამ ნაწარმოების ავტორი, მწერალი როსტომ ჩხეიძე. სიამაყით მიხდა ვთქვა, ძალიან მიხარია, რომ მყავს ისეთი მასწავლებელი, რომლის წყალობითაც მოსწავლეებს არცთუ იშვიათად გვაქვს ფუფუნება იმისა, რომ როსტომ ჩხეიძის მსგავსი ადამიანის



ლექცია მოვისმინოთ და ჩვენი ინტერესებიც მისი საუბრით დავიკმაყოფილოთ. სასიამოვნოა, როდესაც ჩვენი ეპოქის ეს შესანიშნავი შემოქმედი მეგობრად მიგვიჩნევს და არასდროს ამბობს უარს ჩვენს სტუმრობაზე. წინა წლებში განვახორციელეთ პროექტები, რომლებიც შეეხებოდა ნიკოლოზ ბარათაშვილის, დიმიტრი ყოფიანის, ილია ჭავჭავაძისა და სხვათა მოღვაწეობას. საგულისხმოა, რომ ბატონი როსტომის მიერ გაზიარებული უცნობი და საინტერესო ფაქტე-

ბი ყოველთვის იპყრობს ადამიანის ყურადღებას, რადგან ეს შეხვედრები ემსახურება ეროვნული გრძნობის გაღვივებას ახალგაზრდებში. იგი თავისი ჩვეული სიმშვიდით აღწერს ყოველივეს, ასევე, ისმენს კითხვებს და პასუხობს მათ ამომწურავად. ამჯერად მან ვაუა-ფშაველას შესახებ მოგვითხრო. მისი ეპოქის, ასპარეზზე გამოჩენის, შვილებისა თუ ნაწარმოებების ირგვლივ ბევრი

ახალი ინფორმაცია გაგვაცნო მე და ჩემს ტანატოლეს. თხოვრისას მან თამარის, ვაჟას შვილის, სიტყვებიც გვითხრა - „სწორედ მაშინ გავაანალიზე, რომ ვაუა-ფშაველა, არა მარტო მამაჩემი, არამედ მთელი ერის მამა იყო“, ეს მაშინ თქვა, როდესაც დიდი პოეტის დაკრძალვაზე ურიცხვმა საზოგადოებამ გზა დაუთმო ვაჟას შვილს.



ბატონმა როსტომმა სიტყვის დასაწყისში თქვა, რომ ღირსეული ადამიანები ხშირად უნდა შევასხენოთ ახალგაზრდა თაობას. ვფიქრობ, რომ როსტომ ჩხეიძისნაირი ადამიანები ზნეობრივად წვრთნიან სხვებს და მე უზომოდ მაღლიერი ვარ ფატი მასწავლებლისა, რადგან მისი დამსახურებით ვეზიარე ამ ღირსეული და დიდი მწერლის ნააზრევს. ძალიან ბედნიერი ვარ, რადგან წილად მერგო ამ ადამიანის პირადად ხილვისა და გაცნობისა.

თათია კუფუხაძე,
ხაშურის I საჯარო სკოლის XI კლასის მოსწავლე

მაღე ყვავილები ააფერადებენ ჩვენს ქალაქს

გასულ წელს სტუმრად ა(ა)იპ „საგანეს“ დირექტორს, ბატონ შოთა კობახეს ვესტუმრე. მისი სამსახურის ფუნქციას ქალაქის იერ-სახის გაღამაზება, სკვერების კეთილმოწყობა, უპატრონო ძაღლებზე ზრუნვა, ფანტანებისა და შადრევნების გამართულად ფუნქციონირება და სარიტუალო მომსახურება წარმოადგენს. მასსოვს, როგორი ენთუზიაზმით საუბრობდა ბატონი შოთა, როგორ სთხოვდა მოსახლეობას, ერთად ეზრუნათ და დაეცვათ ქალაქის ესთეტიკური მხარე. დამაინტერესა, ერთი წლის შემდეგ, შეიცვალა თუ არა მდგომარეობა, რა გაკეთდა, რა შევინარჩუნეთ, რისი მოვლა, ან დაზიანება მოვახერხეთ, სად იხინა ქართულმა ბუნებამ თავი, კარგი თუ ცუდი გენი ამუშავდა. საქმიდან და პასუხისმგებლობებიდან გამომდინარე, ა(ა)იპ „საგანეს“ 4 განყოფილება გამოვეყო, მე გამწვანების განყოფილების უფროსს ვასილ ხაჩიძეს ვესტუმრე. მოგეხსენებათ, გაზაფხულის დადგომასთან ერთად, ქვეცნობიერად შემოდის განახლების, ესთეტიკის განსაკუთრებული აღქმა. ბატონ ვასილთან ერთად ყვავილებისათვის განკუთვნილი ადგილები მოვიინახულეთ სკვერებში მაღე აქ სანერგე მეურნეობიდან ესტუმრებიან 5 სახეობის ყვავილები და ააფერადებენ ჩვენს ქალაქს, სხვა სურნელს შემატევენ. ხეებიც მომავალს გაუფსებენ ფილტვებს ჰაერით და ამ ყველაფერს, ჩვენი ხედვის და გულის წაშველება, დახმარება უნდა, ბევ-



რი ხელი ერთად მეტ საქმეს გააკეთებს! მანამდე კი ბატონი ვასილისგან გავივით, რა კეთდება, რისი მოფრთხილება გევალება:

-ჩვენი სამსახურის შემადგენლობაში დაახლოებით 26 სკვერი და ერთი

სანერგე მეურნეობა შედის. არსებული სანერგე მეურნეობა წლების განმავლობაში მიტაცებული იყო მოსახლეობის მიერ, 3 წლის წინ დავიბრუნეთ, შემოვლობეთ და დავიწყეთ საქმიანობა. გავაშენეთ სხვადასხვა ჯიშის ნერგები, რომლებსაც შემდეგ გადავრგავთ ღია გრუნტში. გამოგვეყვას ასევე ყვავილების სხვადასხვა სახეობა. დათესილი გვაქვს ყვავილები, ამოსვლის სტადიაშია და გადავიტანთ სკვერებში. დანერგე შენი მომავალის აქციის ფარგლებში, 2000 ცაცხვის, ნეკერჩხლის, მუხის, იფნის ნერგი გამოგვიზაგნა ეროვნულმა სატყეო სააგენტომ. დავურიგეთ სოფლის რწმუნებულებს, მათი სურვილის შესაბამისად. გვაქვს საპნის ხის 100 ნერგი, რომლებიც სკვერებში დაირგვება.

როდინდან დაინახეთ საბაზაფხულო საქმიანობა?

-ჩვენ უკვე ზამთრიდან შევუდგეთ მზადებას, დაიბარა საყვავილე ადგილები. 15-16 წერტილი იქნება სკვერებში, სადაც დაირგვება ყვავილები. ყოფილი კინოთეატრი "რუსთაველის" აღმოსავლეთ მხარეს სკვერებში გადავრგავთ როგორც ჩვენს, ასევე შემოტანილ ნერგებს. ტაბიძის ქუჩის დასაწყისში გვაქვს ორი საყვავილე გამზადებული, აგრეთვე აღმაშენებლის ქუჩაზე რუსთაველის ქუჩაზე და სასიერნო ბაღში.



-რა სახეობის ყვავილებია? მარალმწვანე ხეების დარგვა თუ ხდება?
-ძირითადად ასტრა, კალენდურა, ცინია და მამლის ბიბილო გექონდა გასულ წელს. წელს გამეგობამ დაგვაფინანსა და შემოგვაქვს ახალი სახეობის

(დასასრული V გვერდზე)

ქართლს შეფარებული მეურნე აფხაზეთიდან

...ერთ პატარა სახლში ცხოვრობს, ოჯახიანად-სოხუმის დაცემის დღეს წამოვიდა და ქართლს შეეფარა. ძია ეფრემს დღესაც, რატომღაც, უცხო კაცს ეძახის თავისი მეზობლები. 23 წელია მოშინაურებას ცდილობს. თავისი მარჯვე და მიწისგან დაღლილი ხელები ყველგან დაამკვიდრებდა, ლუკმა-პურს არ მოაკლებდა ოჯახს, ტკოცაში ცხოვრება არჩია, "მოყვრებთან". მთები მოგლიჯა სიცოცხლეს მოწყურებულმა, ოჯახის პასუხისმგებლობა დაეზღუდა კაცმა, არ დაზარებია, რაც შესთავაზეს, რაც უწილადეს, ის მიეღო, იმისთვის მიეხედა და სიცოცხლე დაებრუნებინა. ამაყად გაყურებს თავის ნაშვილებს მიწას, ოფლადღაღვრის მრავალი დამე რომ გაუტარებია, ჭკუაზე რომ მოუყვანია, დაუმორჩილებია და ახლა სიკეთეზე სიკეთით პასუხობს. მიწასთან ომგამოვლილ ხელებს დაეხედვ, ძია ეფრემს სახეზე ქართველი კაცის მადლი ეფინა, თან რომ დაგვევება, რომ ვერ შეიძენ, ის მადლი. გული უტკუნია ცხოვრებას, საკუთარი მიწა-წყლის, შეილის დაკარგვით, არ გაჩერებულა, ყველა ტკივილი აქვე მიწასთან გაუზიარებია და მწვანეთვალეუბა გიოსთვის დგას და იბრძვის, დგას და ეჭიდება მაგარსა და პარღვიან მიწას. მისთვის არც ქვეყანას და არც ადამიანებს მოუტანია



სიკეთე, ასე, საკუთარი მარჯვენის და დაუღალავი ბუნებისამარა დარჩენილა და შვილიშვილებისთვის დაქმებს მზეს დედამიწაზე. ჩვენც ბაღში მოფუსფუსეს ვესტუმრეთ, ამ ნახევრად ყამირ მიწას შეჭიდებოდა, გაუზარდა ჩვენი დანახვა, გული გვაჩვენა, ქართლს მორგებულსვანური. ფეხდაფეხ დაგვატარა, ყვავილშერეული ხილის ბაღები გვაჩვენა, დასათესად გამზადებული ბაღები. შეყვარებია თავისი ერთი ძირი ხე. სოციალური დახმარება მქონდა, მომისხნენს, ასე, წყალგამდინარე სახლში ვცხოვრობ, ბავშვები მეცოდება, ჩემ თავს არ დავეძებო-გულისტკივილი იყო ქვეყნისთვის ომგამოვლილი კაცის, სხვა მხარეს შეხიზნულის. სოფლის მეურნეობის ხაშურის საინფორმაციო-საკონსულტაციო სამსახურთან ურთიერთობს, მათივე დახმარებით, კოოპერატივის დაარსებას ფიქრობს, შრომის გაერთიანებისთვის, გადანაწილებისთვის. დავსხედით და ვისაუბრეთ, მძიმე წლებზე, საქმიანობაზე.

დარაჯი "ბაჩუკი" (საფრთხობელა) გადმოგვხედავდა ხოლმე ცხვირამდე ჩამოფხატული ჩაფხუტით, და აფრთხობდა ბაღის გასაძარცვად მოსულ ფრინველებს.



ეფრემ სიდიანი (ეფრემური):
 - სოხუმიდან ვარ. ჭუბერზე წამოვედი ოჯახით სოხუმის დაცემის დღეს. კარგად მახსოვს წამოსვლის დღე, რადგან დღემდე დიდ განცდას და ტკივილს მახსენებს. 100 ადამიანი მომყავდა ჩემი მანქანით. მეომარი კაცი ვარ, ჩემი ქვეყნის, შვილების გადარჩენისთვის ვიბრძოდი. შვიდი დედამამიშვილიდან, სამი ვი-

(დასასრული)

ყვავილი. რაც შეეხება მარადმწვანე ხეებს, მხოლოდ ლიტვის ბაღში გვაქვს მარადმწვანე ბუჩქები.
- რა ბიჭმნით ყვილაზე დიდ პრობლეას?
 - მე ხაშური და მისი ყველა მოსახლე მიყვარს, მინდა იუმორისტული დამოკიდებულება შეიცვალოს ჩვენი ქალაქის მიმართ. მაგრამ გულისტკივილით მინდა არვინშნო, რომ არ გვაქვს მოვლისა და მოფრთხილების კულტურა. გასულ წელს ვარდის 1000 ძირი ვარდის საუკეთესო ჯიშში გამოვრგეთ, სხვადასხვა ფერის, აქედან ალბათ ერთ თვეში 600 ძირი მოიპარეს. ხლა მხოლოდ 50 ძირია დარჩენილი გამგებობის წინ მდებარე სკვერში. ამ გაზაფხულზე ჩვენი გამოყვანილი ტყის შრომანი გამოვრგეთ, ვრწყავთ, ვუვლით. შეიძლება რამდენიმე დაჭკენს და არ გაიხაროს, მაგრამ დიდი ნაწილი გაფუჭებულია მოსახლეობის მიერ. წელს პირველი შემთხვევა იყო, რომ სასეირნო ბაღში მასიურად გამოვრგეთ 160 ჯიშის სხვადასხვა ფოთლოვანი ხის ნერგები, ცხენის წაბლი, ცაცხვი, იფანი, სანის ხე. ამ ყველაფერს მოფრთხილება უნდა. გავიარე და გადატეხილი დამხვდა, ის ნერვი ახლით შევცვალე, მაგრამ მასიურად ამის კეთება შეუძლებელია. აქ მოსახლეობაც უნდა მოგვეხაროს და გაუფრთხილდეს თავიანთი მომავლისთვის გაკეთებულ საქმეს.
- ფინანსები თუ ბიზნესით თქვენი საქმიანობის განსახორციელებლად?
 - მარტო მემცენარეობის განყოფილებას 170 000 ლარი გვაქვს გამოყოფილი, წელს ბევრად გაზრდილია ჩვენი სამსახურის ბიუჯეტი, რადგან სხვა

ცავდით გაყიდულ ოში ქვეყანას.
- ცოცხად როგორ მოხვდით?
 - სოხუმიდან წამოსვლის შემდეგ მესტიაში, მშობლიურ კუთხეში დავბრუნდი. ერთი წლის შემდეგ დაგროვილი სურსათ-სანოვარე წამოვიღე და წამოვედი ხაშურში, რადგან ჩემი ცოლია ტკოციდან. გზაში დამაყინა და ასე ხელცარიელი ჩამოვედი ტკოცაში და ოჯახით დავიწყეთ ცხოვრება. ორი თვე ჩემ სიმამრთან ვცხოვრობდი. მერე ეს დანგრეული შენობა ვნახე, რომელსაც არც სახურავი ჰქონდა და არც საცხოვრებლად გამოდგებოდა. ხამთარში წავვედი ტყეში შეშის მოსატანად, რომ გადაამეხურა. წლების მერე აღმოჩნდა, რომ ტენდერი იყო გამოცხადებული სახლზე, რომელშიც ვცხოვრობდი.
- არ გავიხიროდათ სვან კაცს, სოხუმში დაბრუნდეს, სხვა ცრადიციებთან მეჯუბა და თავის დამკვიდრება?
 - ადვილი არ ყოფილა, დღემდე ლტოლვილის და ჩამოსვლის სტატუსი მაქვს სოფელში, თუმცა, ბევრისგან დახმარების ხელიც მახსოვს, მაგრამ მაინც ჩემმა საქმემ და დაუღალავმა შრომამ მომიყვანა აქამდე.
- რა რაოდენობის მიწები გაქვთ?
 - ერთი 50 მინათი მომცეს, მეორე 1,25 ჰექტარი, რომელზეც ძველი ხილი იყო. დავამუშავე და სახნავ-სათესად ვაქციე. დღეს 2 ჰა მიწა გვაქვს ოჯახს. მაქვს იონჯა და ესპარსეთი დათესილი, 1 ჰა-ზე სიმინდი და ლობიოს ნათესები. ასევე მეზობლებისგან ნათხოვარი ბაღებიც მაქვს 2 წლით, სადაც ყველა კულტურა მითესია. ხილიც მაქვს, ვაშლი, ალუბალი, ალიბუხარი, შავი ქლიავი, ჭანჭური, ახლა მარწყვი დავრბე.
- თქვენი ოჯახის შემოსავალი მხოლოდ ამ მიწიდან მიღებული მოსავალია?
 - ჩემი ოჯახის ერთადერთი შემოსავალი ამ მიწიდან მიღებული მოსავალია. ამ ბაღის ბოლოს წყაროა, ამოვთხარე რომ დაგროვდეს და მთელი დამე ვრწყავ ბაღს ამ წყლით, რადგან მორწყვის სხვა საშუალება დღეს აქ არაა.
- ვინ გეხმარებათ? ძმები მიწის დამუშავება მარცხივით არაა...



- მე, ჩემი მეუღლე და რძალი. ბავშვები პატარები არიან, სკოლაში დადიან. კარგი მოსწავლეები არიან. გიორგი (შვილიშვილი) მპირდება, რომ გაიზრდება, დაეხმარება პაპას, უკვე კაცია, დამოიკიდებლად ატარებს პატარა ტრაქტორს. ადვილი არაა სოფლის ცხოვრება, დღე და დამე არ გძინავს კაცს ყველაფერს ჩემი ხელი და მონღომება ატყვი.
- მხოლოდ ეს წავტარა ცრადიციური გაქვთ?
 - კი, ესეც ცოტა ხნის წინ შევიძინე, ძალიან მეხმარება, მარჯვენა ხელია ჩემი. სხვა ტრაქტორის ყიდვის შესაძლებლობა ამ ეტაპზე არ მაქვს. ძალიან მეხმარება სოფლის მეურნეობის ხაშურის საკონსულტაციო სამსახური, მირეკავენ, მაძლევენ რჩევებს და ინფორმაციას. გადავწყვიტე კოოპერატივის შექმნა, თანამოაზრეებიც მყავს და მალე გავაერთიანებთ ძალებს. 3 ადამიანს დევნილის სტატუსის მქონეს, შეუძლია კოოპერატივის ჩამოყალიბება და განსაკუთრებული პრივილეგიებით სარგებლობა. ვნახოთ, მცდელობას არ მოვაკლებ, აქამდეც ვშრომობდი და არც ახლა ვაპირებ გაჩერებას.
 საუბარს შევევით, მალე კუბდარებიც შემოგვეწვრო და ნამდვილი სვანური სურნელი მოჰფინა ქართლის ამ ლამაზ სოფელს. იქვე ეფრემ პაპას იმედი და მომავალი, მწვანედ მობრიალეთვალეუბა გიორგი დაგვტრიალებდა და ზაფხულში მეზობლის თხილის მოსაპარად გვეპატიუებოდა.

თ. ჯავახიშვილი

განყოფილებებიც დაემატა. ამაში შედის სახელფასო ხარჯებიც, მემცენარეობის განყოფილებაში 15-16 ადამიანია დასაქმებული. 26 სკვერს ემსახურება 4 დამგველი, მინდა განსაკუთრებული მადლობა ვუთხრა ლიანა შამათავას, ნანი კუბლაშვილს, თამარ ულუმბელაშვილს, ასევე ჩემი გამწვანების მუშებს, რომლებიც წამყვანი ძალაა და ამავდროულად დახმარებას უწევენ სარიტუალო სამსახურს. ცოტა ხნის წინ მათი დახმარებით 200 ხის ძირი შევათეთრეთ.
- მოსახლეობასთან ერთად არ ატარებთ რაიმე ტიპის აქციებს, რათა მათას ჰქონდეთ საკუთარს დასვინს და გაფრთხილებას სურვილი?

მალე ყვავილები ააფერადებენ ჩვენს ქალაქს

- გასულ წელს გვექონდა აქცია, პროკურატურამ, სკოლის მოსწავლეებმა და ჩვენმა სამსახურმა, ხაშურის შემოსახველთან დავრგეთ მარადმწვანე მცენარეები. აქაც მინდა წუხილით აღვნიშნო, რომ ნაწილი ან მოიპარეს, ან შინაურმა პირუტყვმა გაანადგურა. მხოლოდ ერთუღმა ნერგმა გაიხარა.
- სხვა რა სიხალე გაქვთ?
 - მოდის ზაფხულის პერიოდი, დაიწყება გვალვების სეზონი. ახალი მანქანა მივიღეთ, გაანაწილებთ გრაფიკს და არამარტო საყვავილე ადგილებს და ნარგავებს მოვრწყავთ, არამედ ქუჩების გადარეცხვასაც შევძლებთ შიდა გზების. ეს ყველაფერი ახალი დირექტორის დამსახურებაა, ჩვენც მხარს ვუჭერთ და ვცდილობთ, შედეგი ვაჩვენოთ ქალაქს. გარდა ამისა, ძალიან გვინდა სანერგე მეურნეობა ავადორძინოთ ისე, რომ დამთვალეობის მიღება შევძლოთ და ძველი ფუნქცია და სიცოცხლე დავეუბრუნოთ.

თ. ჯავახიშვილი

ბიბლიოთეკის აქტიურობა



აგარის ქუჩაზე ინფრასტრუქტურული სამუშაოები მიმდინარეობს

მუნიციპალიტეტის გამგეობის დაფინანსებით, ხაშურში, აგარის ქუჩაზე მიმდინარეობს წყალარინების ქსელის მოწყობის სამუშაოები. აღნიშნული პროექტი მნიშვნელოვნად გააუმჯობესებს აგარის ქუჩის მაცხოვრებელთა საყოფაცხოვრებო პირობებს. სამუშაოები აპრილის ბოლომდე დასრულდება.

ხაშურელი მოსწავლეები ტექნიკურ უნივერსიტეტს სტუმრობდნენ

16 აპრილს, საქართველოს ტექნიკურ უნივერსიტეტში, ჩატარდა ფესტივალი „მეცნიერულ-ტექნოლოგიური გამოწვევები და საქართველოს ტექნიკური უნივერსიტეტი“.

ფესტივალზე მიიწვიეს მომავალი მეცნიერები - მოსწავლეები საქართველოს სხვადასხვა სკოლებიდან. მათ შორის, მონაწილეობა მიიღო ხაშურის მუნიციპალიტეტის 20-მა მოსწავლემ. ტექნიკური უნივერსიტეტის პროფესორ-მასწავლებლებმა წაიკითხეს მოხსენებები. პროექტში მონაწილეობდა სტუ პროფესორი, ხაშურის მუნიციპალიტეტის საკრებულოს თავმჯდომარე



ვაჟა შუბითიძე. სტუდენტებმა და მოსწავლეებმა დაათვალიერეს ფესტივალის პროგრამით გათვალისწინებული ტექნიკური უნივერსიტეტის თანამედროვე სამეცნიერო-კვლევითი ლაბორატორიები. მათ გადაეცათ საჩუქრები, მიიწვიეს სახეიმი ვახშამაშვი. მოსწავლეები შინ კმაყოფილები და ახალი ცოდნით გადიდრებულნი დაბრუნდნენ.

საშემოდგომოდ დაგეგმილია საქართველოს ტექნიკური უნივერსიტეტის ხელმძღვანელებისა და პროფესორების საპასუხო ვიზიტი ხაშურში, სადაც ისინი შეხვედებიან სკოლის მოსწავლეებს.

ანონსი

ხვალ, 26 აპრილს, ქვიშხეთში აღინიშნება წმინდა დიმიტრი - სამშობლოსათვის წამებულის (ყიფიანის) ხსენების დღე პროგრამა:

- 12სთ. თემატური სადამო - „ყიფიანები - ქვიშხეთში“ - ქვიშხეთის კულტურის სახლი;
14სთ. წმინდანის სულის მოსახსენიებელი პარაკლისი - ქვიშხეთის აღდგომის ეკლესია;
14.30 სთ. შეხვედრა დიმიტრი ყიფიანის სახლ-მუზეუმში
15 სთ. გამოფენა სახლ-მუზეუმის ეზოში.

ხაშურში მუნიციპალიტეტის ბიბლიოთეკის კვირეული მიმდინარეობს. საბავშვო ბიბლიოთეკის ინიციატივით, ხაშურელმა პატარებმა ლიტერატორული გმირების როლები მორგეს და ქალაქის ქუჩები ერთი დღით გააახალისეს. ნორჩი მსახიობები ფეხით მოსიარულეებს და სხვადასხვა დაწესებულებების თანამშრომლებს ფლანგებს ურიგებდნენ და ბიბლიოთეკის სერვისებს აცნობდნენ. ბავშვები მუნიციპალიტეტის გამგებელს გიორგი გურასპასვილსაც ესტუმრნენ. მათმა პრიაშულმა ყველგან დაისადგურა.

ნონა ტყეშელაშვილმა კულტურულ ღონისძიებათა ორგანიზატორი: საბიბლიოთეკო კვირეული, ფარგლებში საბავშვო ბიბლიოთეკასთან არსებული დრამატული წრის პატარა მსახიობები ავრცელებენ ფლანგებს, რომელთაც მოსახლეობას აცნობენ ბიბლიოთეკაში დაგეგმილ ღონისძიებებს და მიმდინარე სიახლეებს.



აქვე მინდა, მადლობა გადავუხადო ბატონ, გიორგი გურასპასვილს ჩვენი ბიბლიოთეკისადმი გამოჩენილი ყურადღებისათვის.

ბავშვები ჩვენი მომავალია. მათ სულიერ და გონებრივ განვითარებაზე ზრუნვა ადრეული ასაკიდანაა საჭირო. საჯარო ბიბლიოთეკა, საბავშვო ბიბლიოთეკასთან, ერთად ძალ-ღონეს არ იშურებს ბავშვებს საბავშვო ცოდნა და გამოცდილება შესძინონ. ამის ნათელი დადასტურებაა, გასულ კვირეულში კალიგრაფიისა და მხატვრული კითხვის კონკურსის ჩატარება პატარებისათვის, რომელმაც ერთიორად გაზარდა ბავშვების ცოდნის დონე.

აქვე გვინდა აღვნიშნოთ, რომ ბიბლიოთეკის კვირეული 18 აპრილს დაიწყო და ერთი კვირით გაგრძელდება. დაგეგმილია მთელი რიგი ღონისძიებები. კვირეულის გახსნის დღეს ბიბლიოთეკის დირექტორმა მარინე დიდებულისძემ ისაუბრა ბიბლიოთეკაში დაცულ წიგნად ფონდებზე და მათ სტატისტიკაზე, ციფრულ ფოტომატიანეზე, ონლაინ რუბრიკებზე წლის ინტელექტუალური მოსწავლის გამოსავლენად ჩატარებულ საგნობრივ ტურებზე, ბიბლიოთეკაში არსებულ თანამედროვე ტექნოლოგიებზე და ა.შ.



კვირეულის გახსნას ესწრებოდნენ ხაშურის მუნიციპალიტეტის საკრებულოს და გამგეობის წარმომადგენლები, რომლებიც გამოუხმაურნენ ბიბლიოთეკის ინიციატივას - ვაჩუქეთ ერთი წიგნი ბიბლიოთეკას და ბიბლიოთეკას საჩუქრად გადასცეს სხვადასხვა ჟანრის ლიტერატურა. ხაშურის მუნიციპალიტეტის ბიბლიოთეკა მადლობას უხდის მათ გულისხმიერებისა და თანადგომისათვის.

კვირეული ფარგლებში დაგეგმილია შეხვედრა დეველოპმენტული ბიბლიოთეკარებთან და მოეწეობა ცოცხალი კითხვის დღე.

ნახიმატება ზუგდიდში

ამ დღეებში ზუგდიდში ჭაბუკებს შორის ეღუარდ კვიციანის ტურნირს უმასპინძლა ჭიდაობა სამბოში. ტურნირი საკმაოდ წარმომადგენლობითი იყო და მასში მონაწილეობას ჩვენი სასპორტო სკოლის წარგზავნილებიც იღებდნენ.



მწვრთნელების ბუსუტი ბუსრიკიძისა და მადნაზ ნოზაძის მომზადებულმა გუნდმა დიდებულად იასპარეზა და ამაზე შედეგად მეტყველებს. ტურნირზე ჩემპიონები სხვადასხვა წონით კატეგორიაში გახდნენ: გიორგი ნოზაძე, ზურა ხაჩიძე და ვასიკო ნოზაძე. ვერცხლის მედლები დავით ხაჩიძემ, გიორგი მეხრიშვილმა და გიორგი ნასყიდაშვილმა მოიპოვეს, მესამეადგილოსნები კი თამაზ კაპანაძე, ალექო ტუხიაშვილი, გიორგი ბელაშვილი, ზაზა დვალისშვილი და აკო კანთელაშვილი გახდნენ.

საქართველოს რკინიგზელთა პროფესიული კავშირის გამგეობა და ხაშურის რკინიგზელთა პროფკავშირული ორგანიზაცია თანაგრძნობას უცხადებს გამგეობის წევრს გიორგი გოგოლაძეს მამის, შადვა გოგოლაძის გარდაცვალების გამო

ა(ა)იპ ხაშურის მუნიციპალიტეტის გაზეთი „ხაშურის მოამბე“. დირექტორი გიორგი გოგოლაძე, მისამართი: ხაშური, ტაბიძის ქუჩა №2. ტელეფონი: 24 30 27. E-mail Khashurismoambe2015@gmail.com მიმღების დასახელება: ხაზინის ერთიანი ანგარიში, საიდენტიფიკაციო კოდი 443860984, სახელმწიფო ხაზინა TRESGE22, სახაზინო კოდი: 749547499. D-ით მონიშნული სტატია იბეჭდება დაკვეთით გაზეთი იბეჭდება თბილისში. რედაქტორი რობერტ სუხიაშვილი.

საქართველოს გაგაცნობის

საქართველოს გაგაცნობის

საქართველოს გაგაცნობის

D ბევრმა, შესაძლოა, არც კი იცის, რომ ქალაქის ცენტრში, რუსთაველის ქუჩაზე, №22-ში, უკვე 4 წელია ფუნქციონირებს „კულინარი 2012“, რომელშიც ადგილზე დამზადებულ 30



დასახელების პროდუქციას შემოგთავაზებენ.

ჯერ კიდევ გარედან იქცევს ყურადღებას ეს ნათელი, სუფთა, კოპწია შენობა, რომელიც ქალაქის საავადმყოფოს ცენტრალური შესასვლელის დასაწყისში, ხელმარცხნივ მდებარეობს. შესვლისთანავე გაგაოცებთ აქ შექმნილი სისუფთავე, სიმყუდროვე, სიმშვიდე, მაქსიმალური კომფორტი და, რაც მთავარია, აქაური ნამზადის გემო, მრავალფეროვნება და ხარისხი.

არც ისე ვართ განებივრებული ისეთი ადგილებით, სადაც ყოველდღიურობით გადაღლილნი სულის სიმყუდროვეს ვიპოვით, სადაც თბილად



მიგვიღებენ, გაგვიღიმებენ, მოგვემსახურებიან, სადაც მიმზიდველ, მშვიდ, მყუდრო, სუფთა გარემოში დაივანებთ დამაშვრალნი. დანაყრდებით, გახალისდებით, სტუმარსაც მიიყვანთ, გაუმასპინძლებით, დაბოლოს, დიდად კმაყოფილი დარჩებით.

სწორედ ასეთი გარემოა აქ და მიუხედავად იმისა, რომ იგი ქალაქის ყველაზე ხალხმრავალ ადგილას მდებარეობს, სადაც მთელი ხაშურის მაჯისცემა იგრძნობა, აქაური სიმშვიდე და სიწყნარე იდეალური დასვენების საშუალებას იძლევა. აქ მართლაც სიამოვნებით წაიყვან სტუმარს, როცა ყველაზე მეტად გინდა, გამოიჩინო თავი სტუმართმოყვარეობითა და მასპინძლობით.

კომპანია მთლიანად აღჭურვილია ცნობილი იტალიური ბრენდის დანადგარებით. აქ დასაქმებულია 10 ადამიანი. მომუშავე პერსონალს პროფესიების მიხედვით გავლილი აქვთ სტაჟირება.

პროდუქციის მომზადებაში იყენებენ უმაღლესი ხარისხის ინგრედიენტებს. მომხმარებელს უფლება აქვს, თვითონ იხილოს, დაესწროს, თუ როგორ მზადდება პროდუქცია შენობის ქვედა სართულზე. ყველაფერი ყოველთვის უმაღლესი ხარისხისაა, ამიტომაც აირჩია კომპანიამ სლოგანი „ყოველთვის გემრიელია“, რომელიც 100%-ით ამართლებს მისი საქმიანობის შედეგს. მომხმარებელმა იცის, რომ ყოველდღიურად ხდება კომპანიის საკუთრებაში არსებული ინვენტარის გარეცხვა, გასუფთავება, სტერილიზაცია. სწორედ ამიტომ „კულინარი 2012“-ის ხშირი სტუმრები არიან როგორც ქ. ხაშურის მოქალაქეები ასევე ჩვენი ქალაქის სტუმრები საქართველოს სხვადასხვა კუთხიდან, მათ შორის ბევრი ცნობილი სახე.



ა(ა)იპ ხაშურის მუნიციპალიტეტის გაზეთი „ხაშურის მოამბე“. დირექტორი გიორგი გოგალაძე,
მისამართი: ხაშური, ტაბიძის ქუჩა №2. ტელეფონი: 24 30 27.

E-mail Khashurismoambe 2015@gmail.com საბანკო რეკვიზიტები: სს „ლიბერთი ბანკის“ ხაშურის ფილიალი, საიდენტი-
ფიკაციო კოდი 443860984, ბანკის კოდი LBRTGE22, ანგარიში GE80LB0115114434590001.

შ-ით მონიშნული სტატია იბეჭდება დაკვეთით გაზეთი იბეჭდება თბილისში. რედაქტორი რობერტ სუხიაშვილი.